



# Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 3 Yangia anidakangma :

Tir Yimyim

tiryimyim@aolima

tir yimyim

TAPAK 8

Kerala nung ano nisung ka dak Nipah virus putetogo

Women's World Cup nung molungtepa tepang mesep: Luis Rubiales



VOL. XX NO. 335 (ADOK 335) DIMAPUR KÜPTOKNÜ (SATURDAY) RONGJUI (SEPTEMBER) 16, 2023 ₹ 5.00

## Kohima nung tanü office ajak sodi agütsür

**Kohima, September 15, 2023 (DIPR):** Kohima nung aliba sorkar office tem ajak September 16, 2023 (3rd Saturday) sodi anogo asütsü ta Nagaland Home Department-i metetdaksüogo.

14 buba Nagaland Legislative Assembly agiba ajanga September 9, 2023 (2nd Saturday) sodi magütsüba agi asüng Honibarnü sodi agütsür ta Home Department-i ashi.

## NBSE-i 2024 tatidang indang metetdaksür

**Kohima, September 15, 2023 (DIPR):** Nagaland Board of School Education (NBSE) ajanga 2024 nung High School Leaving Certificate (HSLC), Class XI Promotion aser Higher Secondary School Leaving Certificate (HSSLC) Examinations agütsüba osang metetdaksüogo.

NBSE nung registered schools ajaki item anogotem meteta alitsü aser iba nung ajemdaker academic activities sentong yanglutsü mepishir ta NBSE-i ashi.

Maneni, kaketshirtemi jungjunga renemtsü atema tatidang agütsüba anogotem osang metetdaksütsüla ta NBSE-isa ashi.

February 2024 hopta tasembuba nungi tatidangtem tenzütsü aser March 2024 tanabuba hopta meta tembangtsü akok ta tanü NBSE-i shisaliok reju ajak dangi shidi yokogo.

Maneni, December 2, 2023 nungi Class VIII aser IX atema Phase II Examinations tenzütsü ta NBSE-isa metetdaksüogo.

## Directorate of Minority Affairs office lapokogo

**Kohima, September 15, 2023 (DIPR):** September 13, 2023 nü Directorate of Minority Affairs indang office lapokogo.

shitak inyaka aotsü sobaliba tenzütsü ayongzüker" ta Imkongmar-isa ashi.

Iba office ya Directorate of Social Welfare tesülen Nagaland Commissions' Complex nung lapokogo. Directorate of Minority Affairs office lapokba sentong nung MLA aser Minority Affairs & Sericulture Advisor Imkongmar-i anir Nagaland Information Commission nung ketdangsurtem aser staff aden.

Iba sentong nung mendenji Secretary of Minority Affairs Obangla Jamir, IAS liasü aser Faith Harvest Church Pastor Renthungo Nnullie-i meshiteta sarasademtsü.

Advisor Imkongmar-i o jembidang Chief Minister Rio-i mangdang tajung yur directorate balaka tentetsüba atema pelaba metetdaksü.

Sentong nung Directorate of Minority Affairs Director Shashank Pratap Singh, IAS-i tesentepertem pelaa agizükba den department indang osang lemsatap.

"Iba ajanga Nagaland nung minority communities ajungkettsü atema scheme balala inyaksü. Office tasen nung ketdangsurtem aser staff-i mapa

Chief Information Commissioner I. Meyionen Jamir-ia ketdangsurtem aser staff ajungmesoa jembidang "Nagaland nung minority communities aika aliba ajungkettsü aser iba ajanga state ajunga renloksüsa inyakang" ta ashi.

## Khonoma: Mezüngbuba Horticulture Model Village Nagaland district 16 shia nung yimtsüng kaka shimtetogo



September 15, 2023 nü Khonoma yimtsüng nung Horticulture Model Village sayaba sülen Women Resources Development & Horticulture Minister Salhoutuonuo Kruse aser ketdangsurtem külemi agiba noksa ka angur.

### Dimapur, September 15, 2023

**(TYO):** September 15, 2023 nü Department of Horticulture-i Khonoma nung Horticulture Model Village (HMV) lapoktsüogo. Department of Horticulture ajanga Mission for Integrated Development of Horticulture (MIDH) 2023-2024 kübok HMV ya tang mezüng atema tenzüker.

HMV ajanga yimtsüngtem nung horticulture maparen ajungkettsü aser onoki yimtsüng ka nung tsünüsenbongtsü ka dang renlokdaksütsü atema temulung agütsür, ta Kruse-i ashi.

Kevisetu Chase-i anküp tepela o jembi.

Khonoma yimtsüng nung ali hectare 30 nung Kiwi plantation inyaksü. Department-i inyaka aruba schemes ajak iba mapatong den sendakteptsü ta Meyasashi-i ashi.

"State kinük ajaklen horticulture renlokdaksütsü atema Horticulture Model Village (HMV) ya shisateta inyaker. Iba mapa ya district shia Mission for Integrated Development of Horticulture (MIDH) kübok inyaksü" ta Women Resources Development & Horticulture Minister Salhoutuonuo Kruse-i ashi.

"HMV kübok yimdaklirtemi innovative aser modern technology amshitsü. Department nung ketdangsur tajungtem aliba ajanga Nagaland nung HMV mapa takok ngua inyaka aotsü imlar" ta Minister Kruse-isa metetdaksü.

Iba mapatong atema yimtsüngtem aser tsünüsenbongtsü:

Old Poilwa, Peren (Naga Mircha); Vidima, Chümoukedima (Pineapple); Lotovi, Niuland (Dragon fruit); Bamunpukhuri, Dimapur (Banana); K. Station, Tseminyu (Banana); Thuvopisu, Phek (Kiwi); Tsongphong, Kiphire (Naga mircha); Sapotimi, Zunheboto (Local Chilli); Shiponger, Shamator (Citrus); Lirise, Tuensang (Kiwi); Noklak village, Noklak (Kiwi); Yongshei, Longleng (Citrus); Tanhai, Mon (Citrus); Ungma, Mokokchung (Banana); Meriyan, Wokha (Banana).

Iba mapa atema yimtsüng 16, district shia nung yimtsüng kaka shimogo aser kiwi, citrus, banana, pineapple, dragon fruit, Naga mircha amala teimba tsünütettsü, ta lai ashi.

Laisa aluyimertyem ayongzüka jembidang "sorkar aser department-i akokba tashi teyari agütsütsü aser aluyimertemi mapa küma inyaksüla" ta ashi.

Iba sentong nung Khonoma village council Chairman-i tesentepertem pelaa agizük, Pastor Rev. Tsolie Chase-i temoatsü meshia sarasadem, HoD, Horticulture Meyasashi-i okila jembi aser DHO, Kohima

## NHIDCL-i teinyaktsü shitak meinyakra okadaki anir aotsü: CM Neiphiu Rio

**Kohima, September 15, 2023 (TYO):** National Highway Infrastructure Development Corporation Limited (NHIDCL)-i Dimapur-Kohima National Highway-29 nung 'safety measures' meinyakra state sorkari okadaki aotsü ta Nagaland Chief Minister Rio-i ashi.

aludang nisung 2 asüba aser yiruba lendong sülen sorkari road safety measures nenshi memenshi ta asüngdangdang "maparen timi meinyak aser iba jagi khurettem ajurur" ta Rio-isa ashi.

MLA Kuzholuzo Nienu-i NH-29 nung aser talisa Pagala Pahar, Chumoukedima nung 'safety measures' tebilemstü lemsatapba atema langzüdang "National Highway ya state sorkar kübok masü aser sorkar mapa ajak agi reprangtsüba dang lir" ta CM Rio-i langzü.

State sorkari iba lenmang nung 'safety measures' atema high level committee ka tentetogo aser ano committee kati traffic reprangtsü tentetogo ta paisa ashi.

Sorkar jenjang nung aser chief minister jenjang nung NHIDCL den senden aiben menogo saka contractor temi mapatong tangar nem inyakdaksüba agi khurettem ajurur, ta CM Rio-isa ashi.

MLA Nienu-i lenmang yangludang 'environmental clearance' meshi asü memeshi aser July 4 nü lung anenzüka

Ajisüaka NHIDCL-i teinyaktsü shitak meinyakra state sorkari okadak ken o benoktsü

ta paisa shisem.

"Külen, MoRTH-i Nagaland nung National Highways 33 yanglutsü mulunga agizükogo. Iba nungi NH (NPWD) kübok lenmang 11, NHIDCL kübok 13 aser BRTF (BRO) kübok 9 lir" ta CM Rio-i Deputy Chief Minister (NH) T R Zeliang-i asüngdangba ka langzüdang ashi.

"Mapatong aika mapang shitak nung sen mangur aser kar asenok sasa khuret adokdaksüba ajanga meinyakteter. Mezüngbuba nung ali kiburtemi survey aser DPR asütsü memulungba lir. Ano khenkhen ali kiburtem dang masü saka MLA temia technical team/consultant den alignment tsütsü mangatetep adoker" ta CM Rio-i ashi.

Ano mapatong kar ali kibur

asere contractors tsüngda mangatetep adoka Contract Agreement sülen manidaksüsa akümer ta pai ashi.

"NH (NPWD) department-i iba khuret koktettsü atema teinyaktsütem inyakogo. Ali kiburtem den ken o angatetteptsü atema mapang peria agütsür aser mapang telatet ka nung tangatetep kati marura mapatong shibanger" ta CM Rio-isa ashi.

Ano contractor kati chainage mesüra milestone sülen manidakra Contract Agreement agentsü ta paisa shisem.

Gari lenmang yanglur ajak kati ka den amalitepa inyakra road sector tajungba akümtsü kechiyong Nagaland atema gari lenmang ya tongtipangtiba lir. State sorkari mapang lateta aliba

tsüngda National Highway projects ajak renemtsü meranger ta CM Rio-isa metetdaksü.

State sorkari National Highways talila angutsü imlar aser iba atema Chief Minister Rio-i anir Minister tem aser ketdangsurtemi Union Minister aser Prime Minister den ajurutepogo.

MLA ajaki amalitepa asenoki küm 5 tsüngda asen state melenshitettsü ta ni nangzüker, ta CM Rio-isa ashi.

MLA Nuklutoshi-i SARDP Phase-B kübok Amguri NH61(2) Tuli nungi Niuland tashi lenmang indang osang asüngdangdang "June 12, 2019 nü Rs. 3,284.06 crore indang final DPR ka Ministry of Road Transport and Highways nem agütsüogo" ta Rio-isa langzü.

## Native Trax Society ajanga Music Awards of Nagaland ayongzüksü



Native Trax Society nungi (abelen nungi) Sentimeren Pongen, Event Manager; Imlinohet, President aser Scarlett, züngsem, parnoki September 15, 2023 nü osangbener den jembidang tangokba noksa nangur.

**Dimapur, Rongjui/Sept. 15 (TYO):** Native Trax Society (NTS) ajanga 15 buba Music Awards of Nagaland (MAN) 2023 ayongzüksü ta sangdongogo.

Iba dak sendakba nung NTS ajanga artists, recording studios, producers tem dang Nagaland nung September 1, 2022 nungi tanü tashinung mejema sayaba ken original agütsütsü metetdaksüogo.

Asen Naga nung kentener nem akum agüja aser tepela metetdakja aser yaritsü nükjidong nung küm shia Music Awards of Nagaland ya ayongzük, ta iba sentong ayonger temi sangdong ka nung ashi.

Iba atema entry forms aser rules tem Music Awards of Nagaland indang Facebook page <https://www.facebook.com/musicnagaland> nungi download sütettsü mesüra WhatsApp number 7005251186 nungia meshitsü akok.

Entries ajak ya musicnagaland@gmail.com dangi email sütettsü mesüra 7005251186 nung WhatsApp sütettsü mesüra The Barcode Restro, CBZZ Bulding, 4th floor, Greenpark junction nung agütsütsü.

Kentener shirnoki ken ka mesüra category ka dak tali agütsüner, parnoki entry forms balala agütsütsüla. Ajisiüaka

Manpai Phom-i ashi.

Chiyongtsü ayokertem dak public health indang keta lir asünung, chiyongtsü yangluba nung kanga kumdangtsüla, ta pai ashi.

Nüburtem nung chiyongtsü temürek aser tajung agütsütsü asoshi chiyongtsü ayoker temi shisa lemsatepba DMC ajanga pelashishia agizüksü, ta pai ashi.

Designated Officer, Food Safety Administration Dimapur, Samuel Zehol-i iba sentong nung jembidang, chiyongtsü jenjang lateta ayutsü aser chiyongtsü yangluba, bendanglen ayokbam processing, distribution amala junga meittsü nükjidong nung Food Safety & Standard Authority of India (FSSAI) ya amenok, ta ashi.

## Dimapur nung Serve Safe Food project tenzükogo

**Dimapur, Rongjui/Sept. 15 (TYO):** Dimapur nung "Serve Safe Food" project tenzükba sentong ka September 15, 2023 nü Tourist Lodge, Dimapur indang Conference Hall nung agia liasü.

Senior Manager, Branch Corporate Affairs, Nestlé India Ltd, Surojit Mukherjee-i iba sentong nung tarur pela agizükba o jembidang, "Food safety" aser "Hygiene" asoshi yimtung nung chiyongtsü ayoker nem training agütsütsü nüngdak ta Nestlé India-i angatet, koba ajanga nüburtem nung chiyongtsü tajung agütsüba kisung masü saka vendors tem asoshia jenjang tajungba agütsür, ta pai ashi.

Iba training sentong nung 'health and hygiene that includes personal hygiene and cart hygiene'; 'food handling and food safety'; 'cleaning & pest control' aser 'waste management - garbage disposal' onüktem densema yanglua lir.

Item nükjidong temolung nung yur training ya Nestlé India teyari nung National Association of Street Vendors of India (NASVI), Food Safety Authority, Nagaland aser Food Safety Training and Certification (FoSTaC) ajanga ayongzük, ta pai ashi.

Kohima aser Dimapur nung street food vendors 500 nem training agütsütsü nükjidong yur Nestlé ajanga NASVI den lungjemer Food Safety Authority, Nagaland aser Dimapur Municipal Council

teyari nung iba training ya agütsür, ta Mukherjee-i ashi.

Tongti tesemdang ka ama Deputy Commissioner, Dimapur, Sachin Jaiswal, IAS ajanga jembidang, Nagaland nung aliba street food vendors nem iba ama training agütsüba atema Nestlé dang pelaba shia liasü.

Pai vendors tem dang tejangja ketdangsür temi chiyongtsü amshitsü asoshi guidelines agütsüba sülen anidaksü ajungshi aser vendors tem dang nüburtem nem chiyongtsü tajung, temürek agütsütsü ayongzükba liasü.

Jaiswal-isa street food vendors tem dang carts aser temeket müreka ayutsü aser municipal council ajanga latetja aliba tesemtem nung dang jana indoktsü mepishia liasü.

Kasa sentong nung Deputy Commissioner of Police, Vesupra Kezo NPS ajanga ashiba agi, chiyongtsü business inyaksü asoshi Nagaland ya tesem kanga tajung lir, aser Dimapur nung nütsüng ainba ama street vendors temi chiyongtsü tajungba agütsütsü nüngdaker, ta ashi.

Sorkari lemezüksüba tesemtem nung food carts tem ayutsüla aser ajidang masü traffic jam madokdaksütsüsa ayutsüla, ta pai ashi.

Paisa vendors tem dang food carts lapoktsüba aser shibangtsüba mapang shidak amshitsü ajungshia liasü.

Langka tasen kar angazüksü mechi iba training ya ayongzük, ta Administrator, Dimapur Municipal Council, W.

## Amrit Kalash campaign atema senden amen

**Dimapur, Rongjui/Sept. 15 (TYO):** Amrit Kalash (Meri Mati Mera Desh) campaign mapa kuma inyaksü asoshi lenmang balala asadanga jembishinüba senden ka Nagaland Chief Secretary, J. Alam, IAS lenisüba kübok September 14, 2023 nü Chief Secretary indang Conference Hall, Kohima nung mena liasü.

Chief Secretary Alam-i iba senden nung jembidang, iba campaign nung nüburtemi tongti shilem agütsü kanga tongtipang lir, ta ashi.

Pai District Administration tem dang putu menden den lungjemer iba campaign inyakyim kuli bendena noksa tangoktsü aser official website nung inoktsütsü totuyuba agütsü. Paisa Deputy Commissioner tem dang sobaliba dak apet sentongtem ayongzüksü ashi.

Iba senden nung Chief Secretary Alam-i video conferencing ajanga Deputy Commissioners aser Booth Level Officers (BLOs) tem den iba campaign atema onük balala jembia liasü.

Amrit Kalash campaign atema Central sorkar nungi totuyuba tasen aser mapang telatet agütsüba indang Home

Commissioner, Abijit Sinha, IAS ajanga lemsatepa liasü.

Guidelines tasenba nung yimtsüng ajunga nung kilen shia nungi ali aser jang bendentsü shia lir, ta pai ashi.

Block level nung tasü tait nisungtem nem tetushi agütsüba aser sobaliba sentongtem ayongzüksü aser yangji Administration, putu menden, lanur aser tetsür temi shilem agütsüla, ta pai ashi.

State indang blocks ajunga nungi Amrit Kalash ya state yimtiba nung tesem ka lateter yangji bendentsü. Youth volunteers temi tesem balala nungi ali bendena Kartavya Path, New Delhi-i yoktsü aser yangji sentong tatebangba agütsü, ta pai metetdaksü.

Iba campaign ya yimtsüng sasep nung September 1 nungi 30 tashi agütsü, block level nung October 1 nungi 13 tashi agütsü, state level sentong ya Kohima nung October 22-27 agütsü aser national level sentong ya October 28-30, 2023 anogotem agütsü.

Iba senden nung IPR, Urban Development, RD, YRS, aser Social Welfare department tem nungi aden aser Deputy Commissioner tem video conference ajanga dena liasü.

## NDPP indang Agri & Allied Organisation senden amen



Nationalist Democratic Progressive Party (NDPP) indang Agri & Allied Organisation pur shisadokden senden ka September 13, 2023 nü NDPP HQ, Kohima indang Conference Hall nung amendang tangokba noksa ka nung Advisor Mhathung Yanthan aser party ketdangsürtem angur.

**Kohima, Rongjui/Sept. 15 (TYO):** Nationalist Democratic Progressive Party (NDPP) indang Agri & Allied Organisation pur shisadokden senden ka September 13, 2023 nü NDPP HQ, Kohima indang Conference Hall nung mena liasü.

Iba sentong nung Zunheboto district nungi Hetoi Yeptho nem Best Organic Producer Award agüja liasü.

Agri & Allied Organisation, NDPP indang tir Tali Pongen-i tir o jembia liasü aser Thejaneinuo-i temeja ken ka aten. Iba sentong nung menden Wongtocholen liasü, Kamhen Kuki-i Tsüngrem temoatsü meshia sarasadem aser Vihoshe Muru-i melepzüng o jembia liasü.

Changtongya-Longleng lenmang nung tenokdangba alitsü  
**Dimapur, Rongjui/Sept. 15 (TYO):** Changtongya-Longleng lenmang nung Dikhu Bridge anasa anentsüh aser long anenzüka alua aliba mechi September 15, 2023 nü nungi tenzüka anepdang 7:00 ako nungi nikongdang 6:00 ako tashi Light Motor Vehicles (LMVs) densema gari kata mesenzütsü sangdong ka ajanga metetdaksü. Iba tenokdangba ya tarutsü nung sangdong ka magütsü tashi alitsü.

Changtongya-Longleng lenmang nung nüburtem ajungtsü mechi aser lendong timtem nungi jenbua alitsü mechi iba mera ya agir, ta sangdong ajangasa ashi.



September 15, 2023 nü Kozhikode district nung Nipah virus atema ayongzükba senden nung Kerala Health Minister Veena George (abelen nungi tanabuba), Forest Minister A.K. Saseendran (abelen), Public Works Department Minister P.A. Mohammed Riyas (ajichilen nungi tanabuba) aser Kozhikode District Collector, A. Geetha nunger adenba noksa nung angur.

### Kerala nung ano nisung ka dak Nipah virus putetogo

**Thiruvananthapuram, Rongjui/September 15 (Agencies):** Hokolbarnü Kerala kübok Kozhikode district nung ano nisung ka dak Nipah virus putetogo, aser ibaji densemabo tang tashi nung state nung nisung trok dak iba tashidak puteter.

Kerala nung Nipah virus agi nisung ana süogo aser nisung pezü iba tashidak agi teshirangdak.

State nung iba tashidak mezüing putetba sülen Centre sorkari iba tensa asadangtsü aser state sorkar den yariteptsü atema central team ka yoka liasü.

Brihostibarnü Centre sorkari samples tendangtsü atema Kerala nem anti-bodies aser mobile laboratory ka agütsüogo.

Ano tanga osang ka nung, Kerala kidanger state-Karnataka-i arrtsülen aliba district tem nung iba tashidak mita alitsü metetdaksüogo.

Hokolbarnü Kerala Health Minister, Veena George-i, ano tebur ka dak Nipah virus putetogo aser tang tashi nung state nung nisung trok dak iba tashidak putetogo, ta metetdaksü.

Arrshi küm 39 tebursangji hospital nung mongdar, ta lai metetdaksü.

Nipah virus putetba nisung ajakji Kerala kübok Kozhikode district nungi dang lir. 2018 küm nungi tenzükba tang agi pezübenbuba Kerala nung Nipah virus puteter.

Hokolbarnü Kerala Health Minister Veena George leniba nung tongti ketdangsertem senden ka menogo. Senden nung adenertemji la den Kerala

state minister tem- P A Mohammed Riyas, Ahamed Devarkovil aser A K Saseendran nunger liasü.

Senden tembangba sülen Veena George-i, iba tashidak puteta alirtem rongnung arrshi küm 9 tebur chanu ka densema lir aser tang pa nem ventilator support agütsüdar, ta metetdaksü.

Laisa, tang iba tashidak agi teshirangdakpurtemji August 30 nü iba tashidak agi asüba nisung dak nungi mena asütsüa akok, ta ashi.

George-i, inyakyim nungbo iba tashidak temaitsü keta alirtem indang samples dang tendangtsüla, ajisüaka sorkari iba tashidak menatsüsa alir ajak dak tendangtsü telemtetba agiogo, ta metetdaksü.

"Onoki iba tashidak temaitsü meliaka high-risk contacts ajak dak tendangtsü telemtetba agiogo. Tang Kozhikode nung iba tashidak tendangba facility ana lir. Rajiv Gandhi Centre for Biotechnology (RGCB) nungi anguba mobile lab ka lir aser iba denji machine ana lir, koba ajanga khen nung sample 96 tendangtetsü, ajisüaka onoki high-risk category nung alirtem dak dang tendangtsü lemtetogo. Onok ket nung RGCB nungi anguba lab ka lir aser Kozhikode Medical College Hospital nunga lab ka lir," ta lai metetdaksü.

Kozhikode nung Nipah virus putetba sülen Brihostibar nungi tenzükba anogo ana atema district nung shisaliok reju ajak shibangogo.

Iba dak alia yimtsüing trok 'containment zones' ta sangdongogo.

Nipah virus ya shirurutem, talisa lah nungi menazüker, ajisüaka nisung o nisung tsüingda-a menateper. Kerala sorkari aremlen alirtem dang kanga kümdangtsü metetdaksüogo.

Kozhikode künok 'containment zones' sangdongba den külemi lokti adenshitsü memelar. Hokolbarnü district kar nungbo Muslim nunger sarasadem sentong-a thinendakja liasü.

Osangbener den jembidang Kuttiady Juma Masjid Mahallu Committee Secretary, Zubair P-i, "Onok area nung Nipah virus prokba nung ajemdaker district collector aser police ketdangsertemi onok dang mosque nung madenshitsü tuyua liasü. Iba tetuyubaji tashi angaa onoki tetuyuba tasen ka magütsü tashi mosque nung nisung madenshitsü. Tanü Hokolbar sarasadem sentong-a magitsü. Iba tashidak nokdangtsü atema onoki sorkar ketdangsertem den amalitepa inyaksü," ta metetdaksü.

Kerala sorkari, tang prokba Nipah virus strain ya 'Bangladesh variant' lir, ta metetdaksüogo.

Kerala sorkarisa nüburtem dang masks agitsü, lokti madenshitsü aser iba tashidak temaitsütem- yimra, temang metara, tekolak menüra mesüra aketra ketdangsertem den tongtepratepang, ta metetdaksüogo.

Iba tashidak nokdangtsü atema züngsem 19 aliba core committee ka tentetogo, call centres amenokogo aser control room ka amenokogo.

### Mandaviya leniba nung temang shilem tenlatsü atema tenangzükba agitsü

**New Delhi, Rongjui/September 15 (Agencies):** Honibarnü Agra nung Union Health Minister, Mansukh Mandaviya leniba nung temang shilem tenla agütsütsü atema tenangzükba agitsü, ta Hokolbarnü ketdangsertemi metetdaksü.

Kasa sentong nungji Union Minister of State for Health & Family Welfare, S P Singh Baghel-a adentsü. Iba sentong nung nisung 10,000 shi adentsü imlar, ta health ministry-i metetdaksü.

Mandaviya-isa Agra nung Sarojini Naidu Medical College nung super speciality block ka semzüktsütsü aser organ donation registry ka tenzüktsütsü.

Temang shilem tenlatsü atema tenüing agütsütsü asoshi Aadhaar number aser Aadhaar-linked mobile number nungdaksü.

Minister-isa integrated public health lab 23 aser public health units block 87 amenoktsü atema foundation lung azüingtsütsü, ta health ministry-i metetdaksü.

Iba sülen September 17 nungi October 2 tashi agitsü aliba essential health services tenzüktsütsü.

September 13 nü linük Tir Droupadi Murmu-i semzüktsüba 'Ayushman Bhav' campaign kübok linük tesem ajaklen healthcare agütsütsü atema inyaksü.

Iba campaign nükjidong ya linük nung nisung shinga mezüingdoki yimtsüing aser jila ajak nung healthcare services agütsütsü atema lir.

Iba campaign kübok mapatong asemji - Ayushman - Apke Dwar 3.0, Health and Wellness Centres (HWCs) nung Ayushman Melas aser yim ajak nung Ayushman Sabhas lir.

Ayushman Apke Dwar 3.0 mapatong nung PM-JAY scheme kübok temsüa alir tanüingba nisungtem nem Ayushman cards agütsütsü.

Ayushman Melas mapatong kübok ABHA IDs (Health IDs) yanglutsü aser Ayushman Bharat Cards lema agütsütsü.

Yimtsüing ajak nung Ayushman Sabhas agiba ajanga Ayushman cards renemba aser ABHA IDs yangluba nung tongtibang shilem agitsü. Iba mapatong kübok tongtibang health scheme balala indang awareness agütsütsü aser memenatepba tashidak balala, tuberculosis (Nikshay Mitra), azü tenlaba aser temang shilem tenlaba indang awareness agütsütsü.

Ayushman Bhav campaign kübok sorkar sectors, lokti tentet balala aser nüburtem nükjidong ka kübok longjemdaksütsü aser nisung shinga mezüingdoki health services agütsütsü, ta Union Health Ministry-isa metetdaksü.



September 15, 2023 nü Dehradun nung aliba Government Doon Medical College nung dengue agi shirangertem amongba noksa nung angur.

### INDIA teloktepi news channel 14 nung shilem magitsü lemtet

**New Delhi, September 15 (Agencies):** Opposition teloktep INDIA indang coordination committee-i news channel 14 nung shilem magitsü telemtetba agiogo.

Coordination committee senden nung züngsemtemi osangtsüsang indang television show balala nung ketdangser kar leniba nung agiba sentong nung shilem magitsü lemtet aser parnok rongnung Republic Network nungi Arnab Goswami, Aaj Tak nungi Sudhir Chaudhary, News18 Hindi nungi Amish Devgan, TimesNow nungi Navika Kumar aser IndiaToday Group nungi Gaurav Sawant nunger densema lir.

Iba dak sendakba nung tamalen AAP MP, Raghav Chadha-i, "Television show kar nung ketdangser kari tangar jashidaktsütsüsa o entepba sentong ketdangtsüa agir. Onoki tenüing kar 'list'; asütsü aser INDIA teloktep nung züngsemtemi parnok indang television shows nung shilem magitsü," ta metetdakja liasü.

Sangküm Lok Sabha election nung BJP-i aniba NDA den tokteptsü atema opposition party 27 longjema INDIA teloktep tentetogo aser iba teloktep nungji Congress, RJD, DMK, Aam Aadmi Party, Shiv Sena, Nationalist Congress Party (NCP) aser TMC party tem densema lir.



September 15, 2023 nü Madrid, Spain nung Bengal Global Business senden nung West Bengal sorkar aser La Liga tsüingda tezüingzüktepa ka agidang tangokba noksa nung angur. Noksa nung West Bengal Chief Minister, Mamata Banerjee, La Liga Tir Javier Tebas aser taoba mapang BCCI Tir Sourav Ganguly nunger angur.



## TIR YIMYIM YIMOBILEM (EDITORIAL)

DIMAPUR

KÜPTOKNÜ

RONGJUI 16, 2023

### Democracy Temeden

**D**emocracy ya meimchirtem atema kanga tongtibang temeden ka aser yimsüsüba tajung den yimjung asoshi kintem atema kanga tongtibang, ta züngshia küm shia September 15 anogo nung 'International Day of Democracy' amonger; yamaji alima den liromedema Hokolbarnü India nunga iba anogomong nung sentong balala ayongzüka agiogo. Alima nung loktiliba tejakleni aoba nung democracy ajanga tongti shilem agir, ta rajema 2007 küm United Nations General Assembly (UNGA) nung bangzüng ka renem aser iba küm nungjagi tenzüka küm shia September 15 nü iba anogomong amonger. Iba democracy ajanga yimsüsürtem shimtsü atema sensotem nem tashi agütsür. India linük ya democracy linük tulutiba ta ajaki züngshir, aser ibaji ajanga alima tsüngdang India nunger ajak nüma tangteter. Tang India nunger nütsüng million 1,428 lir aser iba linük nung oshi-open balala, sobaliba, yimsü aser kin temeyoktep jenti liaka iba linük nung nübur ajak telongjem nung liteter ta jembir, saka lia-lia arudang telemsa tulu adokogo aser yamai dang ora mapang ka nungbo jabangmeyimi timtem tulu adoktsü ana nung lir. Küm pongu shia general/ state elections agia nüburtemi vote agüja shimtetba lenirtemi yimsüsüba ya democracy süngjang lir. Ano küm pongu nungji nüburtem tiptema alitsüsa yimsüsürtemi meinyakra nüburtemi yimsüsürtem/sorkar melener. Ajisüaka tia maka nütsüng aika mashimaluba agi aiben temsüa alir lenirtem meshimer, aser iba jagi arok takoksa angur. Iba dak alia election nung ochimashi, sen aser tashiyim amshiba ajanga aiben temsüa maliba lenirtem shimteter, aser iba jagi asenoki democracy süngjang tajung mechteter. Anogo ishika jakdang Association for Democratic Reforms (ADR) aser National Election Watch (NEW) nati report ka ajanga, tang Indian Parliament nung MP 763 nungi MP 306 (shilem 40)-ibo parnok anema ozüng alema inyakba ken otem benoka lir ta sangdongba metetdaksüogo. Ibaji ajanga tashishitsü aketba lenir aika yimsüsür menden nung mendaktsüba noksa sayur. India nung yimtenren party aika lir aser anogo shia party tsüngda aitsütep manener; terenlok atema jembiba dang nungibo party tem tsüngda aitsütepba nung ang mapang teimba indoker. Küm shia International Day of Democracy anogomong amongdang sensotemi pei linük nung democracy jenjang asadanger, kin ajaki meimchir temeden wazüka ayutsü aser alima tesem ajaklen yimchi-yimjung alitsü atema jembir. Iba anogomong amongdang democracy linük tulutiba India nung meimchir temeden dak sendakba lenla aika jenjang tamajungba akümba asadanger. Research agirtemi ashiba agi, 2014 küm nungi 2022 küm tashi nung India nung lawyer tem, kaket/ocet zülurtem, meimchir temeden atema inyakerkem aser sorkar anema ola adokertem densema yimtenren dak sendakba nung nisung 250 shi jail nung puokogo. Watchdog- Access Now-i ashiba agi, alima nung internet teimtiba shibangba linükji India lir. India nung minorities aser Dalit nungertem anema inyakba jenjang tamajungba kümogo. Item ajakji asadanger organizations aikati India nunger democratic record tamajungba akümba metetdaksüogo. Economist Intelligence Unit indang democracy index nung 2014 küm India nunger jenjang 27buba nung aliba 2022 küm nungbo jenjang 46 tashi aluadokogo.

## OLEMSABANG

### Nagaland ya Khristan lima masü , Nagaland ya Khrista asoshi

Dr Toshimanen Ozukum

Tir Yimyim September 13 aser 14,2023 mung asen tsürabur R. Nungshi Longkümeri züluba Khristan Lima ta asuba tenung ya koda jangratemtsüka ta Olemsabang nung azüngdang nia temoatzü tulu ngua jangratema züngogo.

Nüngja aser küm nungji yamai melenshir azüng nung tali teberiba asr tejangjaba asütsü ta bilema ni ya shinur.

Nagaland for Christ , Naga Lima Khrista asoshi ta asuba ya 1958 küm Changtongya Yimdak CE Mongdang nung ( Iba mapang nungjibo Christian Endeavor ta amshia liasu ta ashir.) Tsüngrem Tanela Temeshi ajanga tesenteper ajak semdang ta ashir. Iba Mongdang nung ajaki molungtepa Nagaland ya Khrista asoshi Nagaland for Christ ta sangdong ta tsürapurtemi ashi. Anungji asenoki Naga Lima ya Khristan lima ta masu Naga Lima ya Khrista asoshi ta jembira aji koda tanganütsüka aser jangratemtsüka lir.Kechiaser alima nung kecha limaa Khristan lima mesüra Hindu Lima mesüra Muslim Lima ta sangdonga mali.Kechiaser Alima aser yangji aliba,alima aser yangji alirtem Kibuba meyong ( The earth is the Lord's and everything in it ,the world, and all who live in it. Tenungsang Ken 24:1 ).

Iba sulen asen lenir, tsürabur aser tamang tir Rev.T.Alemmeren Nagaland Missionary Movement nung imyakdang NBCC Mongdang Pfutsero nung akadang parnok anir Nagalaqnd nungi Missionary meyerijang ter yoktsü sangdong. Parnok mangdangji Missionary Doctor, Missionary Engineer, Missionary Tesayur aser Tsüngrem o nung mongin Missionarytem yoktsü liasu. Iba nungja yaa Mission Movement ta masu tamalen Missionary Movement ta amshibaji tajungba . Kechiaser tanu putu nung Mission ta asuba tenung aieka kümogo. Tatishitsü agi: Nagaland Bamboo Mission, Honey Mission aser yamala sorkar nungja koja aieka adokdar. Anungji item demji memeyokteptsü atema akidang koda amshia aru iba amaji tang amshinung jungdisu ta shitanger. Tenung melenshiba jagi kecha mapa makümer. Nisung meelenshibajagatang mapa akümer. Tanübo asen lanurtem aieka oda bendanglima tashi Missionary tapu balala aoba ngua pelaseter.

1976/77 mapang asentenshi milak tulu asen Aolima nungi morukmi ama jangrua aobato bilemtetdang Teyanglut Tsüngrem tenüng asanger. Nia iba milak jagi kongshia 1977 October 2 nung amoebic dysentery tashidak aneb aser tanu tashi iba tashidakjagi madonger. Haliluyah Tsüngrem tenüng asanger.

Tanu Naga nunger aieka Khrista yimsu agizükpet aser Khrista maka.Khrista makanungji yimsujia junga mamshiteter. Iba jagi Naga lima ya mezüpelanga kümogo. Yisu yakta arur ta kenbo atener saka renema mali. Naga lima mesamai aliba ya oda tamangtir ishikati anepdang aonung shia nüktzü yima Tsüngremdang sarasademba agi ta bilemer. Abrahami Sodom lima atema nüktzü yima sarasadem. Kodang pa sarasadem anen Tsüngremi Kodak nungi mi yoka Sodom aser Komora menakloka rongdok.Ashiko Naga lima nungi temeshipur ka ken ka ken ta anir orbo Naga lima ya kechi akümtsü ta aieben bilemer.

Anungji Naga nunger Yisu Khrista makartem ajak temenn nungi temolung meyiba Khrist pei taküm nung Kibur ta kümdaktsütsü asenok ajaki maneni sarasademtsüla ta iba olemsabang ajanga ayongzüker. Tsüngremi moajang.

**Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir**

## Kohima Bible College nung tamalen azüngertem telongjem sentong agi



September 15, 2023 nü Kohima Bible College nung tamalen azüngertem sentong nung Rev. Zotuo Kiewhuo den tesayurtem aser tamalen azüngertem tangokba noksa nung angur.

**Kohima, Rongjui/ September 15 (TYO):** Hokolbarnü Kohima Bible College (KBC) nung tamalen iba college nung azüngertem telongjem sentong ka ayongzüka agiogo; iba sentong ya KBC nung Asst. Professor, H. Athiu lenisüba nung agia liasü.

Kohima Bible College-i sangdong ka ajanga ashiba agi, iba sentong nung jembidang KBC Principal, Rev. Zotuo Kiewhuo-i, taküm KBC-i Jubilee amongtsü osang metedaktsü.

Paisa, "Tejen Lai nung shia aliba Golden Jubilee ya benjung tulu amongba küm ka liasü; tatok agütsüba aser asentenshiba mapang ka liasü. Taküm küm ya benjungtepba küm ka lir. Asenoki sasaba nüktzü masü saka tepela nüktzü ayimtsüla. Nisung aikati metsüh prokba medeni alu arühba indang ang jembir," ta ashi.

Pai ashiba agi, KBC ya temzüng shidak amshiba bible college ka lir.

Principal-isa, KBC nung azüngba mapang nung kaketshirtem aikati oshi, senotsü aser

study tsütsü timtem ajiangshia aruogo saka tangbo parnok ministry balala nung tanela lenirtem aser tanela tebutitem lir, ta ashi.

Paisa, iba college nung züngtetertem aika alima tesem balala nung lenirtem lir, ta ashi.

Pai tamalen iba college nung azüngertem aser kaketshirtem dang tanela anir aruba tsütsü samanirtem asütsüla, kechiyong Yohan 7:37 nung shia aliba ama asenoki Yisu Khrista tanaben alimai arutsü atar, ta ayongzüka.

Paisa, asenok ya taküm tzü ayimba ayongtem asütsüla aser alima tesem balalai oa Khrista osangtajung prokertem asütsüla, ta ayongzüka.

KBC ya Nagaland nung mezüngbuba Bible College lir aser Northeast India nung me z ü n g b u b a Charismatic Bible College lir. Iba college nung züngtetertem aika UK, Australia, Africa, America aser European linüktem nung Tsüngrem tenzükdang, ta KBC sangdong nung shia lir.

Kasa sentong nung

tamalen iba college nung azüngertem-Akhonuo Thevo, Asst. professor KBC; Bishal Alvy, Pastor, Chosen Church; Ruopfükhrietuo Linyü, Evangelist CRC Bayavü aser tangartemi parnok tesüba mapang iba college nung azüngba bilemteta jembi.

Parnoki anepdang mesangwadang 2:00 aser 3:00 ako nungi sarasademba aser Hokolbar aonung shia sarasademba inzü nung shilem agiba bilemteta jembi.

Parnokisa KBC nung timtem balala ajiangshia azüngba ajanga tanübo parnok temoatsü nung aliba lemsatepa liasü.

P a r n o k i s a kaketshirtem dang Kibubai inyakba mapatem kodanga mamatoktsü, pei tajungtiba agi inyaktsü aser Tsüngrem den tesendaktep ayutsü ayongzüka liasü.

Iba anogomong sentong nung Dr. Kovelozo-ia ken ka aten aser loktii tamalen azüngertem, KBC aser sponsors atema sarasademtsüba den külemi Golden Jubilee atema sarasadema sentong tembanga liasü.

## Plateau State nung kiralongrartemi Khristan 10 tepset

**Abuja (Nigeria), September 15 (Agencies):** Amongnü (September 10) Nigeria kübok Plateau State nung kiralongrartem aser Fulani teloki Khristan 10 tepsetogo.

"Aonung 8:40 ako meta kiralongrartemi Mangu County kübok Kulben yim amak. Fulani telok aser kiralongrartemi Kulben yim amakdang Khristan ter tepset aser ka yirutsüogo," ta yimdaklir Yitmwadi Raymond-i osangbener nem metedaktsü.

August 14 nüa Riyom County nung Fulani teloki Kwi yimdak community high school amakba mapang nung Khristan tesayur ana-Rwang Danladi aser pa kinüngtsü Sandra

Danladi na tepsetba den Khristan tesayur ana yirutsüogo," ta yimdaklir kati metedaktsü.

"Parnok school nung tanurtem dang sayuba mapang nung Fulani züngsemtemi parnok dak injang khaloktsü. Parnokisa school vice principal dak-a injang khalokja yirutsüogo," ta paisa metedaktsü.

School Principal, Dantoro Gyang-i, "Hombarnü (August 14) nikongdang 2:00 ako meta onok tesayurtem den kaketshirtem school nung lia Fulani telok ka arua onok dak injang khaloktsü tenzüka liasü. Parnoki tesayur ana khasetba den vice principal, Dalyop Ibrahim densema nisung kar yirutsü. Tang parnok Jos University

Teaching Hospital nung mongdar," ta metedaktsü.

August ita nungi tenzüka tang tashi nung Fulani telok aser kiralongrartemi Khristan noklang ka jungnüa tepsetogo.

August 10 nü Barkin Ladi County nunga kiralongrartemi Khristan yim ana-Banyit aser Rahogot na amakdang Khristan 21 tepseta liasü.

August 10 nüsa kiralongrartemi Tagwam Lawuru yimdak Khristan 17 tepset aser Layowok yimdak Khristan asem tepseta liasü.

August 7 nüa Mangu County kübok Nchiya yim amakdang Fulani aser kiralongrartemi Khristan pezü tepseta liasü.

## ANOGO ABEN TSÜNGREM DEN

## Sempettem

Efesa 3:14-21

Anungji mepet tulu ama kuli aika agi asenok meketbang.... Ibr 12:1.

Chiyongtsü aser aben süoshi, ki aser alinük, yimjung aser anema aliba asoshi tenüng asangtsü talang ka magitsü.

Tsüngrem sempettem asoshi tongtipang tenüngsangji Tsüngremi Pa taküm asenok nem agütsüba asoshi Pa tenüng asangtsüla: Pa Tanela asenok dak alir, teti taküm lidaktsür; asenok tasü masü taküm kadaktsütsü asoshi Pa jabaso asü aser shia aru; Pa osangtajung kechi ajanga Pai asenok nem taküm tasen agütsü; Pa arogo, asenok Khristan tembartem, kar kotak nung, kar alima nung, shirnoki iba osangtajung aser iba tamang asenokden lemsateper.

Iba ama mepet tulu ama kulitem agi asenok meketbanga lir: Khristan tsüburtem, shirnoki iba Khristan jajaba nung tenzükdaktsü, kinüngtsü, kinüngbu shiba tatishitsü taküm aliba osangtajung ka aküm; Khristan tanurtem, shirnoki Khrista temeim ajizük; Khristan tembartem, parnok Khrista mesük jakla ajanga Khristai asenok den jembir; pastor shiba ajanga asenok dang Tsüngrem O ain nung koda jembitsü asenok dang sayur.

Yamala mepet tulu ama kulitem agi asenok meketbanga lir. Sentsüwangshi tenyartem telok, ainkartem telungjem tamaren tamang asoshi tepseter telok alima ajunga nung temeshi arogo! Onok jajaba lenmang Khristan lenmang asoshi onoki Ne tenüng asanger, Kibur Yisu. Amen.

## Madhya Pradesh nung Khristan putir ka alenseta sür lia angu

**September 15, 2023:** police-i tang tashi post September 14, 2023 nü mortem report magütsü, Central Indian diocese ta metedaktsü.

Sagar nung Bishop, James Athikalam-i, "Pai iba ama (soseta asüba) telemtetba agitsüsa kechi asüar onoki memetet," ta metedaktsü.

Soseta asüba shidi ka angu aser shidi nungji putir Francis-i pa tasümangji ali nung maremtsü saka rongdoktsü mepishia lir. Athukalam-i, "Pai aginüba ama onoki inyaktsü. Tasümangji rongdoktsü atema onoki par kinüngertem ket nung agütsütsü," ta metedaktsü.

Francis ya 2013 küm April ita nung 'ordain' süa liasü.

Francis'er medemer aser külem tenzüker kati ashiba agi, Francis-i Manipur nung raraba indang video ka lemsatepba atema Madhya Pradesh police-i pa anema tenüng menüktsüba ken o ka benokba sülen nungi pa (Francis) jashia dang liasü.

Sagar diocese ya Madhya Pradesh nung aliba Eastern rite Syro-Malabar Church kübok lir.

September 15 nü Nütsüng million 72 osangbener den aliba Madhya Pradesh j e m b i d a n g state nung nütsüng Puthenpurackal-i shilem 0.29 dang sangdong ka ajanga, Khristantem lir.

**AO OSHI ANGAZÜKDAK:**  
**TANÜ ANGAZÜKTSÜBA OJANG**



**Sakuku**

(adj) kasasa ( equally)

· Onoki apuba ango ajak bendener sakuku lema agi.

**Sakzüik**

(v) tebang nungi temeli alu (sticking out tongue)

\* Temeli sakzüika sayuba yimya ya majung.

**OLONG PAITEP # 6638**

1		2				3		4		
				5						
6			7			8				9
			10							
								11		
12		13								
14										
						15	16			17
18				19		20		21		
				22						
23										24

**TIPIEN**

1. Tetsür-tanur dang ajaba
3. Teki
5. Zünya asüngdangba
6. Teronem tasa tou ka
8. Nisung tasen / Bendanger
10. T \_\_\_\_ k
11. Tekong nung azükba
13. Temang nungi ayimba tzü
14. Temeshi ozü ta tetshiba
15. Tang / Tawa
18. Tezülen
20. Saklok
22. T \_\_\_\_ o
23. Shishilembadak
24. Iba mapang

**LANGTSÜNGLEN**

1. Temulung tulu / Tasü tait
2. Teni nungi aluba
3. Tajung-tamajung telemzük
4. Arem ak
5. Nisung rongnung telemasa
7. Kisü \_\_\_\_\_
9. Te \_\_\_\_ a
11. Kaket nung aliba metettsü merang
12. Miim o
13. Nenok aser ni
16. Nüma madang
17. Tatsüksü
19. Azüng \_\_\_\_ jang
21. Anogo semer ka

**OLONG PAITEP # 6637 TELANGZÜBA**

**TIPIEN :**

2. Bangsemo, 6. Tiptem, 8. Jen,
9. Tallia, 11. Aren, 12. Tzübo,
14. Alia, 16. Angati, 17. Odi,
18. Azü, 19. Sünglang.

**LANGTSÜNGLEN :**

1. Yipten, 3. Nüja, 4. Sangro,
5. Milen, 7. Tulu, 10. Laza, 11. Aben, 12. Tiyong, 13. Ajizük,
14. Aitsü, 15. Tasa, 16. Aina.

**NAI-A YA METETTER MA**



Singapore nungbo tangalen nungi 'chewing gum' bener aruagi ayoktsü khenyongi memelar. 'Control of Manufacture Act (Singapore Statute Chapter 57)' ozüing renemba sülen 1992 küm nungi chewing gums tapu ajak (officially) nokdanga lir. Tashi mangartem nem police-i tapet temerenshi agütsür. 2004 küm nungi temang nung taneptsü agütsüba (therapeutic value) chewing gum dang Singapore nung ayoktsü melar. Yamala gumji doctor ka dang nungi alitsü akok mesüra doctor nungi temelaba agütsüba (prescription) alitsüla.

**GOVERNMENT OF NAGALAND**  
**DIRECTORATE OF HEALTH & FAMILY WELFARE**

**NAGALAND: KOHIMA**

No. DHFW-5/TRG/PMTI/2019

Dated, Kohima the Sept' 2023.

**ADVERTISEMENT**

In pursuance to Govt. approval No.HFW(A)-112/132/2021/670 dated, Kohima the 14th September 2023, interested candidates from bonafide Indigenous Inhabitants for the State of Nagaland are invited to undergo B.ScMLT 4 (four) years course at Para Medical Training Institute Kohima affiliated to Nagaland University (N.U) for the session 2023-2024 as indicated below.

1. Minimum and maximum age for admission will be 17 years and less than **30 years of age** on the date of commencement of the course.
2. Applicant should have cleared HSSLC (10+2) Science stream from a recognized University or Board of Examinations with atleast 40% marks in Physics, Chemistry, Biology, English.
3. Number of seats for **B. Sc MLT 25(Twenty five) seats.**
4. No separate calling letter will be issued.
5. There will be an entrance written examination..
6. Application Forms & Prospectus will be issued from the Office of the Principal, PMTI, Kohima.
7. Application Form duly filled up along with necessary documents duly self attested may be submitted along with the Schedule Tribe and Indigenous Inhabitant Certificate which is compulsory for all while submitting the form.
8. Last date of submission of Application Form(s) shall be on **22nd Sept' 2023.** Duly filled in application along with requisite supporting documents should be submitted to the Office of the PMTI, Kohima.
9. Incomplete Application, if submitted will be summarily rejected.

\*Any other related information may be obtained from the Office of Principal PMTI, Kohima during Office hours.

Phone: +91-3707960098

**SD/- DR. RITU THURR**  
Principal Director,  
Directorate of Health & Family Welfare,  
Nagaland: Kohima.

**Vigilance & Anti-Corruption teloki Junior Assistant ka apu**



**Guwahati, September 15, 2023 (Agencies):** Directorate of Vigilance & Anti-Corruption, Assam-i Bajali district nung junior assistant ka süpokrem agiba atema puogo. Iba nisung ya Choukat Ali ta jangjaogo aser pa ya Sarupeta Revenue Circle Office nung junior assistant inyaka liasü. Choukat Ali-i land sale permission agütsüsü atema Rs. 25,000 süpokrem meshi aser ibaji magütsünüba agi nisung kati Directorate nung ken o benok. Directorate of Vigilance and Anti-Corruption, Assam-i September 15, 2023 nü Choukat Ali aputsü atema tasa ka atong. Tanü anüngdang 12:35 ako meta Junior Assistant Choukat Ali-i Rs. 4,000 meshia agidang ktdangsürtemi pa apu.

**Churachandpur district nung sniper kati police khaset**

**Imphal, September 15, 2023 (Agencies):** Manipur kübok Churachandpur district nung Bodbarnü police ka khaset. Tasüsang ya Sub-inspector Onkhomang Haokip ta jangjaogo aser pa ya N Chingphei nung mapa lezmükja liasü. September 12 anepdang nisung asem lenmang nung medanger tepsetba sülen tanü iba lendong atalokogo. Yashinep 8.20 ako meta Ireng aser Karam Vaiphei pa ya N Chingphei nung tsüngda iba lendong atalok. Iba lendong nung tasürtemji Satneo Tuboi, Ngamminlun Lhouvum aser Ngamminlun Kipgen nung ta jangjaogo aser parnok ya Kuki-Zo nung liasü.

**Dima Hasao nung police-i DNLA züngsem ka khaset**

**Diphu, September 15, 2023 (Agencies):** Dimasa National Liberation Army (DNLA) designated camp Khasmaipur nung tanep 1:30 ako meta khatap. Iba mapang police aser DNLA züngsemtem tsüngda khatap aser idangji DNLA züngsem Abhijit Hapila (Ali Dimasa) khaset aser Thomas Nunisa (Rembo Dimsa) o Dibaron Johoril (Thinjhon Dimasa) na yiru. Lendong nung yirurtem ajak Haflong Civil Hospital-i anir oa anepalu. Lendong atalokba osang angashiba sülen Dima Hasao Superintendent of Police Mayank Kumar tesem tonga ao. December 2022 nung Dimasa National Liberation Army (DNLA) züngsem 67 tashi Karbi Anglong district nung temai adok. Karbi Anglong district kübok Dhansiri area nung parnok prangpong-injang bener arua agütsü. Iba sentong nung Karbi Anglong Autonomous Council (KAAC) Chief Executive Member (CEM) Tuliram Ronghang, ADGP (Special Branch) Assam police Hiren Nath aser tongti police ktdangsürtem aden.

# Putin aser Kim tsungta sempet ama rifles agütsütep

**Moscow, Rongjui/Sept. 15 (Agencies):** North Korea lenir Kim Jong Un tang Russia sema jajaba mapang lir aser iba mapang Russia Tir Vladimir Putin aser Kim Jong Un na tsungta Russian-made aser North Korean-made rifles melentepa liasü.

Putin-i Kim nem prangbong tajungtiba yangludak nungi rifle ka agütsü. Iba melen pa nema North Korean-made rifle ka agütsü, ta Kremlin odongtar Dmitry Peskov-i ashi. Russia tiri Kim Jong Un nem space suit nungi glove ka agütsü, koba anünglaki aiben bener tudanga liasü.

Hokulbarnü Kim Jong Un-i Russia anüdoklen Komsomolsk-on-Amur yimti nung fighter jet factory ka semdanga liasü, kong pa tetsürtem Russia nunger sobaliba sübosolemtsü agir pelashishia agizüka liasü. Putin-i sorkar meyong media outlets dang Kim Jong Un-i iba yimti nung fighter jets yangluba

## Libya tzümetsüng nung asür nisung 11,300 jungogo

**Derna, Rongjui/Sept. 15 (Agencies):** Tzünglu kanga sashia aruba ajanga tzünokdang ana sapoka tzümetsüng tesashi adokba sülen Libya tzükumlen Derna yimti nung nisung asüba 11,300 jungogo aser ano maneni iba timtem ajurur alirtem bushiba mapang lir, ta Libyan Red Crescent ajanga ashi.

International Federation of Red Cross and Red Crescent Societies (IFRC) Libya secretary-general, Marie el-Drese-i ashiba agi, iba Mediterranean yimti nung ano nisung 10,100 samaba osang lir. Taoba mapang health ketdangsur temi Derna nung asür nisung 5,500 lir ta shia liasü. Iba yipru yagi linük tesem balala nung nisung 170 shi takum samatsü.

Derna indang mayor Abdel-Moneim al-Ghaithi-i ashiba agi, kiyong aika tzi agi nungzüka bener ogo, anungji asürtem ya 20,000 ajungtsü akok.

Iba tzümetsüng yagi Derna nung Deobar aonung kibong ajunga ponger aoba aser timtem balala ajuruba osang lir. Totzü peria aliba Libya linük nungya 2011 küm yimden yimsüsür anema nokdaka mapang talangka nungi yimsü süa arusang Muammar Gaddafi yimli laodaktsü aser iba sülen mepetmesü agi sünger arur.

"Second ishika tsungta tzi ya ajungbena metsünga atu," ta takum jenbur kati ashi aser pa ya tetsü tena aonung menur tzümetsüng agi ponger ao saka tsünglanglen ki tazüing ka nung temdak ta ashi.

(Maneni tapak 8 nung...)

aircraft factory ka semdangtsü ta shia liasü.

Kim Jong Un ano anogo ishika Russia nung amungtsü, ta Kremlin-i ashi. Russian warships sayuba reprangtsü asoshi Kim-i Vladivostok semdangtsü, ta Kremlin-isa ashi. Pai ano region nung university ka semdangtsü sentong lir.

Aircraft factory aser Russian warships semdangba ajanga North Korea leniri par missile aser space programme yangluba nung Russia tir dang teyari meshir ama ajiteter.

Iba melena North Korea-i Putin nem anti-tank missiles aser munitions agütsütsü.

Technology miimshia amshiba Russia-i Kim Jong Un nem molungsoa item technology agütsütsü asü, ta nüburtem

molungjang nung tasüngdangba arur aser Moscow-ia Soviet mapang yangluba North Korean munitions ya junga alitsü asü masüar mejangjai lir.

Kasa mapang Kim-i Putin dang Pyongyang semdangtsü jaokba pelashishia agizükogo. Mezüngbuba nung Russian foreign minister Sergei Lavrov-i October ita Pyongyang semdangtsü. Putin-i Pyongyang semdangra ibai pa asoshi tanaben North Korea-i aor alitsü. Pai mezüng North Korea semdangba ya 2000 küm Russia tir ama shiba sülen Kim tebo Kim Jong-il ajurui oa liasü.

US aser South Korea-i tekumdangtsü shiaka Russia aser North Korea nati mangashi amai yutsür aser nok-nü tsütsü tezüngzüktep kar yanglutsü amai ajiteter.

**Office of the  
Tensem Kidong Khensa  
TENÜNGSANG AGÜTSÜR**

Tesem Kidong nungi Asür Imtiyapang & Asür Mapushila, tena jala Wt. Asangla Imti-i IAS jenjang ngutetba atema Tesem kidong ajaki konang nüngsang tulu agütsür aser Tsüngrem tenüing asanger.

Tarutsü nung ano ne sempet tajung ajanga nüburtem tejakleni anitsü Takoksang Tsüngremi ne taküm aser wadang len aniangma.

**Kidong mapang**

1. Puryongdang
2. Imnaremba
3. Wapangtemsu
4. Sashitemjen

**ANGAJEMTSÜR**

Longjakrep Semchir tera (Lirem Kaktet) Kaket koba adoka lir iba ya tabensa terenem ta masü saka pei tebou tarensen jangjashitsü aser saksalemstü nükjidong nung adoktsüogo. Lirem kakshir asünung kenyongibo mabensateter.

Ano tabensaba nung memenui tanabuba adoktsü renemdar. Anungji shirnoki mezüng adok nung magatsütet, mapang shidak nung abensa zülur office nem agüjang aser mezüng adok nung mabensaba /aibenlenba lira tejangja zülushir Office nem agatsütsü mepishir.

**Sd/-**

1. Akumbenba	Convenor
2. I. Temjen Jamir	Secretary
3. Repatemjen	Member
4. Longkümwati	Member
5. Sangyumanen	Member

**Government of India  
Ministry of Health and Family Welfare  
Department of Health Research**

**2nd floor IRCS Building,  
Red Cross Road, New Delhi-110001**

Department of Health Research, Ministry of Health and Family Welfare nung contractual basis nung Scientist 'C' posts asem aser Junior Health Economist posts ana atema applications meshir. Iba mapa dak sendakba duties aser remuneration amala Department of Health Research indang website: <https://www.dhr.gov.in> nung angutsü. Application ya departmentofhealthresearch@gmail.com dangi 15.10.2023 tashinung yoktsüla. Iba sülen aruba application magizüktsü. CBC 17301/11/0006/2324

**Canara Bank** Premises & Estate Section, Circle Office, Guwahati, Dee Bee Grande, Panjabari Road, Six Miles, Guwahati-781022

**TESEM NÜNGDAKER**

Tsünglanglen agüja aliba tesemtem nung branches tasen lapoktsü atema ground floor nung amshitsü renema aliba commercial space kibur dang nungi **TWO BID SYSTEM** meshir, kong 3-Phase Power load, parking space aser water supply alitsüla.


BRANCH	DISTRICT	TALUK	STATE	CARPET AREA	Power Load
ANGPHANG	MON	ANGJANGYANG	NAGALAND	1500SQFT	15KW
CHUMUKEDIMA	DIMAPUR	CHUMUKEDIMA	NAGALAND	1700SQFT	25KW

Iba osang tejangja Bank indang website <http://www.canarabank.com/tenders.aspx> nung adokja lir. Nüngdakba application forms mesüra danga temelenshi/metongshiba ajak tamale shia aliba office mesüra Bank indang website nungi download sütettsü.

Application tem 30/09/2023 niongdang 3:00 ako tashi agütsütettsü.

Place : Guwahati  
Date : 15-09-2023  
+919572919282 / 0361-2334020 (pecoguw@canarabank.com)

**MENUNGRA BILEMTETER**



(16.09.2022 - 16.09.2023)  
**Asür TSUKNUNGWATI**

Temeim Oba, nai onok toktsür orr tanü küm ka jungaka-teti na onok den lir ama bilemer aser nü ajemalu taremsük shisatsü mapang ajak nung bilemteter.

Tanüa na menungra kinünger ajaki Oba nü nem aküm agüja sarasadema amongera ni.

- Temeim Kinüngtsü aser Kinüngertem.

**Aoli Mongsen Kichu Mungdang  
Mokokchung - 798601, Nagaland  
Aoli Kichuchar liyonga aruba otsü tatsüka  
(Research Document Page 25)**

Alima talang nungi Mecauten-i anir apusoa arudang tanishir tajung Koza soteta pai anir telok tuluka Manipur lenden ken lidanger tenem lima bushia arua Sajuba nung lir Makhel aküm. Lokti tulu apusoa arudang ken ken obang mapu bangsentepa kachutepdang Koza-i telok süngjemdakja aruba agi pa naroküm semchir tenüing Kachu aja. Kachu-i anir Khezakheno yim küma aruba Rev. V.K. Nuh aser R.R. Shimray tenati zülua angutsü. Yamaji lia arudang Rengma lima yim küma ken ali. Putu aika lia arudang jatojara tenüing pei pei ola osü nung melenshia aruba dak alaka ajakji Koza naroküm Kachu nungi jakzükertem dang lir. Anungji Chakesang lima Khezakheno alirtem Kettsü aser Angami Visema yimdak alir Kechü aser Kichu ta ajar. Ano Ao lima Kichu telok asemprongla Kachu nungi jakzükertem lir.

Kichu ya Ao kin rongnung tebou ka lir. Ao lipok otsü kaket page pongu (five) nung Kichu dak jakzükertem kidongji Kichuchar ta shia angutsü.

Kichucharji Mongsener, Yimsüsüba menden atsüngtsüng (Mongsen Samen) aser nütsüng nübur dang Aongninger Sangpangchanger, Aong Kichuchar ta ajar, kechiyong Kichuchar Arijü Aongrijü asüba agi Aongkichuchar ta ajar (Kübok lima alidang) sobaliba aser putipuin nung Mongsen oshi jembir. Jaya jako nung Aba, Avi, Awa, Adi, Kümlak, Ako, etc ta jateper. Sobusolemtsü nung Tsüin sübang abener Kümpang magir, chiyongtsü nung Alo, okkür aser Pur machir, menen merak aketba chiyongtsü aser shiruru chira semchir semnur dak atur ta machir. Külemkija nung temeshitet, ashiapang achi ajem nung temerük, kibalembu nung tasüngtet. Kidong tambu dang kidongzemba, kidong tir ta ajar.

**Jalar :** Kichular dang Noksanglar, Sangpanglar ta ajar.

**Teptsü :** Alisayak, Yongmen anor, Wangküm azüker, Kho-bok temesüng, tokuzü sü tanak, Teperem sü temesüng ta agir.

Aoli Mongsen Kichu ji Waja (Longjakrep) nung Matang/Mejakzük ta jangatsür.

Mongsen Kichu o Jungli Longjakrep Semchir Tebou ana ya shisangren balala aser shilu-a balala asünung 'Kiba lembu aser lembuyim asünung' yim süngkümshi aika nung tanü tashi telidak lir.



(Kilemsungba) (Benjungnungsang)

No. A-12034/1/2019-E-2-DOC  
Government of India  
Department of Commerce

Department of Commerce ajanga sempet aliba, innovative aser dynamic Independent Consultants tem tsünglanglen shia aliba asoshi contract yimya nung shimmer:

Position	Economics	Legal	Public Policy	Data Science	General Management	Total
Young Professional	4	3	6	2	5	20
Associate	4	0	5	3	0	12
Consultant	8	2	4	3	4	21
Sr. Consultant	6	1	2	2	3	14
<b>Total</b>	<b>22</b>	<b>6</b>	<b>17</b>	<b>10</b>	<b>12</b>	<b>67</b>

Jangra aliba candidate temi advertisement tejangja metettsü asoshi <https://commerce.gov.in/vacancies/> nung angutsü. Online ajanga application agütsütsü atema tatem anogoji iba advertisement osangkaket nung adoker anogo 21 tashi alitsü.

CBC 05101/11/0003/2324

## Mkg. nung Nagaland State Level Volleyball Refree Exam 2023 nung 36-i takok nguogo



Mokokchung nung Nagaland State Level Volleyball Refree Exam 2023 nung takok angurtem sentong nung shilem agirtem aser aser MDVA lenirtem kulemi tangokba noksa.

**Mokokchung, Rongjui/September 15(TYO):** Nagaland Volleyball Association aser Department of Youth Resources & Sports-i ketdangsua Multi Sports Complex Mokokchung nung Nagaland State Level Volleyball Refree Exam 2023 September 12 nungi 15 tashi agiba nung Mokokchung nungi 27, Wokha nung 1, Tuensang nungi 6 aser Longleng nungi 2 ta ajak agi Volleyball asaya meimer 36-i takok tajung nguteta Nagaland State Volleyball Refree asutsü asoshi certificate agizükogo.

Iba tatidang ya Nagaland nung Volleyball asayaba ajungketa aotsü asoshi talisa refree ketdangsüba nung awajema süetetsü asoshi aser asayaba yimya nung temelenshi kadaktsütsü nukla nung agi aser tan iba tatidang nung dena takok

nguteterem ya State Level Volleyball Refree asutsü temeden certificate agizükogo. Tatidang agutsür ajak rongnung Wb. Merangnok-i Marks 88 nguteta tematiba jenjang ajangzüketa liasü.

Tanü iba tatidang atemba sentong nung alakteta tesemdanger Nagaland Volleyball Association nung Tongti Zülur Wb. Tiameren Aier-i mapang tatsüka agia jembidang Naga nung volleyball asayatsü asoshi temang shi azü aser aso ajen agi temsüa lia saka Volleyball asaya ajungkettsü maptong asoshi inyakyim aser ki-o-jen shitak makaba ajanga asayar tajung madokteter ta ashi. Tiameren-isa tanü takok tajung nguteta state refree asutsü tetemsü ka ta ajangzütetba dak ajemdaker ano tali merangashia volleyball

asaya meima asayatsü kanga tongtipangta takok angurtem ayongzüka jembia.

Nagaland nung Volleyball asaya ajungkettsü asoshi Mokokchung District Volleyball Association-i(MDVA) kanga dang shisa ka-a timtem jenti arema iba refree tatidang achayanga agiba asoshi MDVA dang Nagaland Volleyball Association(NVA) tenung nung NVA Tongti Zülur Wb. Tiameren Aier-isa tepelaba metetdakja ashi.

Kasa sentong nung Dr. Harish Kumar Tiwari, Certified FIVB Level-1 Coach & Deputy Director of Sports Nagaland University aser ano Ramesh Babu Vidyarthi, National Refree, Volleyball Federation & All India Refree Examiner tenatia tatidang achaayanger dang tepelaba metetdaktsüba den kulemi tatidang nung takok angurtem dang tajungshiba o shia liasü.

Sentong nungsa MDVA Tatong Tir Wb. Allen Imchen-i tepela o jembia aser tatidang nung adener nisung anatia tepelaba o jembiba den takok angurtem nem takok anguba certificate Kr. Limasenla Jamir ajanga achaayanga agutsü aser Kr. Pretty Tzüdir ketdangsüba nung iba sentong agi aser tatem nung Tsüngrem nem iba sentong takok ngutetdaktsüba asoshi tenüngsang aguja Wb. Meren ajanga sarasadema tembang.

## Libya tzümetsüng nung asür...

"Onok floor pezü bubai atudang tzi maneni metsünga liasü. Nisung asatepba onoki angashi. Tzi agi gari aser nisung temang ponger aoba ni window nungi angu. Ibai ghonda ka mesüra ghonda ka ser tesimal shi liasü, saka onok atemabo küm ka amai liasü," ta Benghazi Medical Center nungi nisung kati ashi.

Iba yipru yagi Bayda, Susa, Um Razaz aser Marj jilatem densema Libya anüdoklen nisung 170 shi asü, ta Health Minister Othman Abduljalil-i ashi.

Emergency workers tem nisung takum ngutetsü teimla nung molushi aser ki o jen raksar alidak maneni bushir, ta IFRC ajanga Hokulbarnü ashi.

"Nisung takum angutsü teimla lir," ta rescue team tekolakba Tamer Ramadan-i ashi.

Derna nung nisung tasümgang arem tenzükogo aser timba leper tulu nung aremer, ta Abduljalil-i ashi.

Brehostibarnep tashinung nisung tasümgang 3,000 dak tema remer liasü aser ano tasümgang 2,000 aremte maparen balala inyakba mapang. Asürtem ya timba Derna tezülen leper tulu nung are maser kar anasa aliba jila aser yimti temi bener ao.

Rescue team temi maneni

yimti tiyong nung ki teraksa nung bushiteper aser tziushir tem Derna tezülen tziyüm nung nisung tasümgang bushir, ta Abduljalil-i ashi.

Nisung aika molushi aser jana nung rema alitsü akok. Tzümetsüng ajanga lenmang pongdoker mesüra nokdanga aliba mechi hadir tulutem mamshiteter.

"Iba lendong ya tesashi liasü. Tziusem ya metre tenet (feet 23) tashi adoka ki nung kongshi aser ki o jen tziyüm leni ponger ao. Kibong aika nung kinungertem samar lir, tasümgang tzükum leni pongteta adoker aser ki raksatsür lir," ta Libya delegation of the International Committee of the Red Cross (ICRC) tekolakba Yann Fridez-i ashi.

Nisung tasümgang tajungtiba nung aremte asoshi ICRC ajanga ketdangsür aser Libyan Red Crescent Society nem nisung tasümgang alepba bags lema agütsür.

Hokulbarnü World Health Organization aser danga teyari agütsüba telok temi Libya nung ketdangsürtem dang iba tzümetsüng nung asürtem leper tulu nung aremba anena atatsü shia lir.

"Lendong ajurua aliba tesem

(Tapak 7 nungi...)

nung ketdangsürtem dang arsanga nisung tasümgang leper tulu nung maremsü ajungshir," ta Dr Kazunobu Kojima, medical officer for biosafety and biosecurity ajanga ashi.

Derna tonga aotsü kanga tasak lir, kechiaser lenmang aser apu tem raksago aser power aser phone line tem rakdang lir, kong nisung 30,000 shi talidak ki maka kumogo.

Lenmang timba raksar asünung Derna nung alirtemi ketdangsürtem dang tziyüm ajanga teyari agütsütsü ajungshir, ta United Nations ajanga ashi.

Iba yimti nung jelia tekumdangtsü agüja emergency management systems mapa shidak inyaka ali asübo nisung aika tasüba nungi kumzüketla, ta UN indang World Meteorological Organization tekolakba Petteri Taalas-i ashi.

Tzünokdang ya 2002 küm nungi junga anepalu mesüi aru, ta Derna indang Deputy Mayor Ahmed Madroud-i osangbener dang hopta tetenzüklen shia liasü.

Ochimashi aser senotsü shidak mamshiba ajanga ki o jen anepalu mesüi aru, ta Sadeq Institute director Anas El Gomati-i ashi.

## Tseminyu nung angati football camp agiogo

**Dimapur, Rongjui/Sept. 15 (TYO):** Deputy Commissioner aser District Election Officer, Tseminyu, Dr. Tinojongshi Chang, NCS ajanga Nagaland Sports Association den lungjemer Rengma Sports Association Ground, Tseminyu nung September 14 & 15, 2023 anogotem angati football camp ka ayongzüka liasü.

Lanurtem vote agütsütsü asoshi tenung zülüoktsü aser vote agütsürtem nem awareness agüja aiba sentong ya SVEEP inyakyim kübok

ayongzüka liasü.

Kasa mapang CEO Team aser DEO Tseminyu tsünga football exhibition match ka asaya liasü.

Iba sentong tenzika Deputy Commissioner & District Election Officer Tseminyu, Dr. Tinojongshi Chang, NCS ajanga tayongzükba o jembia liasü aser State SVEEP Icon, Keneinguze Immanuel Pienu-ia o tatsüka jembia.

Iba sentong nung menden EA & AERO Tseminyu, RuokuosetuoTetso, NCS liasü.

## Women's World Cup nung molungtepa tepang mesep: Luis Rubiales



**Madrid, Rongjui/Sept. 15 (Agencies):** Obendanger ka dang Spain indang football nung taoba lenir Luis Rubiales ya football asayar Jenni Hermoso den majuruteptsü tenokdangba agüjang ta shiogo.

Madrid nung tashiyim amshia tim masüba mapa inyakba indang ken o court ka nung jembidang prosecutor temi iba tenokdangba agütsütsü ashi.

Spain-i Women's World Cup takok ngur benjongba mapang Hermoso dak tepang mesepba ya tashiyim amshiba masü ta arishi küm 46 tain Rubiales-i ashir.

Hermoso-i tepang meseptsü molunga meliasü, ta shiogo.

Royal Spanish Football Federation (RFEF) nung taoba tir Rubiales ya hopta tetenzüklen pa menden nungi alu aser Hokulbarnü okadak noksaka liasü.

Judge Francisco de Jorge-i ketdangsüa agiba court ajanga iba ken o jembitsü asoshi telemtetba magütsü lir.

Australia nung Spain-i August 20 nü Women's World Cup akok, saka asaya temer pelatepba mapang Rubiales-i tim masüba mapa inyakba ajanga par teloki takok anguba nembang.

Rubiales ya suit tanak aser tola temesüng semer arua minute 45 shi obendanger temi asüngdangya süa liasü.

Pa dak tai tongloktsüba kata pai menanzük aser iba sülen pa indang okatsür Olga Tubau den court nungi ao.

Prosecutor temi judge dang pa Jenni Hermoso anasai metre 500 tashi maotsü mesüra la den osangtsüsang magiteptsü tenokdangba agütsütsü ashi.

Pai la tekolak nung teka agi soiter la dak tepang mesepba ya künaprongi molungtepa liasü, ta Rubiales-i ashir. Saka pa Deobarnü RFEF tir menden nungi alu aser "Ochi nung ni tamang akar aser ochi agi takok angutsü ni kü tashi ajunga amshia inyaktsü," ta sangdonga liasü.

Arishi küm 33 tain Hermoso-i tepang meseptsü lai memolungi liasü, ta ashir. Iba tepang mesepba sülen nüburtemi ola adokba mapang Hermoso dang pa bhukuma jembitsü Rubiales-i ajunghi, ta prosecutor temi ashir.

2016 küm nisung telok kati tashiyim amshia shi nung medemba ken o nung tebur pongu temeden anguba sülen Spain indang left-wing sorkari iba ozünga ya yanglushi.

"Only Yes is Yes" ta nungja agüja aliba ozünga nung memolungi tepang mesepba ya 'sexual assault' ama züngshir, anungji iba ozünga kübok Rubiales ya aitsüra senchi achitsü mesüra tepuokdak ayutsü akok.

## BILEMDANGANG

"Alima nung nü meyong kecha mali yur na kechi akoksatsü tsübor."